



**CONVENIO DE COLABORACIÓN ENTRE O CONSELLO ECONÓMICO E SOCIAL DE GALICIA (CES) E A UNIVERSIDADE DA CORUÑA (UDC) PARA A REALIZACIÓN DO PROXECTO “DIAGNOSE SOBRE O SISTEMA DE COIDADOS DE LONGA DURACIÓN EN GALICIA DENDE A PERSPECTIVA DE PRESTACIÓN DE SERVIZOS E DE CREACIÓN DE EMPREGO”.**

**REÚNENSE**

Por unha banda, Agustín Hernández Fernández de Rojas, presidente do CONSELLO ECONÓMICO E SOCIAL DE GALICIA (CES Galicia), con CIF núm. Q6550031F, actuando en nome e representación do dito organismo de acordo coa previsión establecida no art. 16 da Lei 6/1995, do 28 de xullo, en relación co art. 24 a) do Regulamento de réxime interno do CES Galicia.

E pola outra, D. Julio Ernesto Abalde Alonso, Reitor da UNIVERSIDADE DA CORUÑA (UDC), con CIF núm. Q6550005J, actuando en nome e representación da institución citada, no uso das atribucións que lle confire o art. 36.1.f) dos seus Estatutos, aprobados polo Decreto 101/2004, do 13 de maio, da Xunta de Galicia (DOG nº. 100, do 26 de maio), modificado polo Decreto 194/2007, do 11 de outubro (DOG nº. 201, do 17 de outubro).

Ambas partes recoñécense, na representación que ostentan, capacidade para formalizar o presente convenio de colaboración e para tal efecto,

**EXPOÑEN**

1. Que as Administracións Públicas poden celebrar convenios de colaboración con outras Administracións Públicas, con outros entes de dereito público e con suxeitos de dereito privado para un fin común, ao abeiro do disposto nos art. 47 e 48 da Lei 40/2015, de 1 de outubro, de réxime xurídico do Sector Público.
2. Que o CES é un ente institucional de dereito público consultivo da Xunta de Galicia en materia económica e social, cuxa finalidade primordial é



facer efectiva a participación dos axentes económicos e sociais na política socioeconómica de Galicia. Na súa norma de creación, a Lei 6/1995, do 28 de xullo, ten atribuídas, entre outras competencias, a de elaborar por propia iniciativa ou por solicitude da Xunta de Galicia, informes ou estudos sobre as reformas que se estimen necesarias para favorecer o desenvolvimento económico e social de Galicia ou sobre a elaboración de plans e programas dirixidos á mesma finalidade.

3. Que a UDC, é unha institución de dereito público á que lle corresponde, no ámbito das súas competencias, o servizo público da educación superior. Nese ámbito a UDC leva a cabo actividades de investigación, docencia e desenvolvemento científico e tecnolóxico. En particular, no que á investigación concerne os Estatutos da Universidade da Coruña, a consideran como unha función esencial, fundamento da docencia e medio para o progreso da comunidade e soporte da transferencia social do coñecemento.

4. Que, en coincidencia de análise, ambas partes consideran que é necesario a realización dunha diagnose sobre o sistema de coidados de longa duración en Galicia no que se reflecta a evolución dos servicios sociais públicos para tal fin e os efectos de este modelo sobre a creación de emprego.

*Por todo o exposto, as partes comparecentes propónense celebrar o presente convenio con arranxo ás seguintes*

## **ESTIPULACIONES**

### **Primeira. Obxecto do convenio**

A través do presente Convenio establecense as condicións polas que se rexerá a colaboración entre CES e a UDC para o desenvolvemento do proxecto “Diagnóstico sobre o sistema de coidados de longa duración en Galicia dende a perspectiva de prestación de servicios e de creación de emprego”.

Ata a consecución do antedito diagnóstico poderán realizarse diferentes actividades, entre outras, reunións cos diferentes axentes económicos, empresas, sindicatos, federacións e administracións públicas, realización



de enquisas entre distintos sectores concernidos e incluso organización de xornadas de estudo e debate, a fin de coñecer as características e a evolución do modelo de coidados dirixido á poboación en situación de dependencia.

O CES e a UDC trasladarán primeiramente aos responsables gobernamentais e despois aos sectores económicos e sociais, en xeral, os resultados de todos os traballos que sirvan como elemento para a toma de decisións futuras.

### **Segunda. Contribución da UDC**

A Universidade da Coruña asume en virtude deste convenio, en xeral, a obriga de executar as actuacións que constitúen o obxecto deste convenio e a de cumplir todas as condicións recollidas nel. En particular, comprométese a levar a cabo as seguintes accións:

- 1.- Poñer a disposición das partes as dependencias e demais infraestrutura universitaria que sexan necesarias para a realización da actividade investigadora obxecto deste convenio.
- 2.- Contribuír cos medios persoais propios necesarios para a consecución dos obxectivos do convenio.
- 3.- Explotar datos secundarios de enquisas e estatísticas sociodemográficas referentes á: o mercado laboral, a evolución demográfica, as condicións de vida nos fogares, o estado de saúde, a cobertura dos servicios sociais e a estimación de poboación con diversidade funcional.
- 4.- Entregarlle ao CES unha memoria final sobre as actividades realizadas e as conclusións das mesmas e permitirlle unha participación activa nos temas obxecto de análise e estudio.

### **Terceira. Contribución do CES**

O CES, a través da súa Secretaría Xeral coordinará as actuacións obxecto deste convenio.

O CES colaborará co equipo investigador da USC mediante a participación dun membro do seu Gabinete Técnico en tarefas de subministración e análise de datos, deseño de indicadores, traballos de enquisa, e canto outros traballos técnicos complementarios sexan necesarios para levar a bo termo o obxecto do estudo.



Así mesmo o CES organizará coordinadamente coa UDC todos os eventos que discorran en paralelo á realización do informe. Así, realizará as reunións con expertos, xornadas de estudo e cantes eventos sexan precisos para a consecución da diagnose final, dispoñendo tamén para iso das súas instalacións.

#### Cuarta. Valoración económica da contribución das partes asinantes do acordo

O coste total do proxecto ascende á cantidade total de VINTE E UN MIL CATROCENTOS SETE EUROS (21.407,00 euros).

O dito importe total é o resultante da estimación valor/hora do grupo de traballo da UDC que participa no desenvolvemento do proxecto e que é o seguinte:

Persoal docente investigador	custo/hora	horas dedicadas	Importe
Investigador principal: Raquel Martínez Buján	34,50 euros	300	10.350,00
Investigador: Paolo Rungo	30,19 euros	300	9.057,00
<b>TOTAL</b>		600	<b>19.407,00</b>

Ao dito costo haberase de sumar o que resulte da compra das bases de datos, tratamento estatístico, material, etc., por un importe total estimado de 2.000 euros.

O CES comprométese a colaborar nas actuacións propias do presente convenio cunha achega por importe de QUINCE MIL EUROS (15.000,00 euros), con cargo á aplicación orzamentaria 06.B1.611A.640, correspondente aos orzamentos xerais da Comunidade Autónoma de Galicia para o ano 2020.

Tendo en conta que tanto o CES como a UDC, por ser entidades públicas, carecen de ánimo de lucro na realización das actuacións obxecto do convenio, a contribución económica do CES, anteriormente referida, corresponde a unha compensación parcial polos gastos que terá que soportar a UDC no desenvolvemento do obxecto do convenio, no xeito anteriormente especificado e que se sinala tamén na memoria



xustificativa que forma parte integrante do expediente administrativo tramitado.

A achega económica do CES, será aboada logo da entrega por parte da USC da memoria e estudo final na que se recollerán todas as actividades realizadas. A dita memoria deberá acompañarse dunha factura polo importe total do gasto realizado.

As ditas achegas financiarán exclusivamente o custo de realización das actividades obxecto deste convenio sen que ningunha das partes asinantes poida destinala a obxecto distinto.

#### **Quinta.- Exoneración de responsabilidade**

A subscrición deste convenio non xerará relación laboral, contractual ou de calquera outro tipo entre os profesionais que vaian desenvolver as actividades obxecto deste acordo, de xeito que non se lle poderá esixir ao CES ningunha responsabilidade nin directa nin indirecta nin subsidiaria polos actos ou feitos acaecidos no desenvolvemento do mesmo.

A participación dos investigadores da UDC nas actividades mencionadas no presente convenio efectuarase no marco da Lei orgánica da Universidades 6/2001 e conforme á regulamentación vixente propia da UDC e recollida nos seus Estatutos, así como de acordo coa normativa vixente en materia de incompatibilidades de persoal ao servizo das Administracións Públicas.

#### **Sexta.- Publicidade do convenio**

A UDC está informada de que o convenio, unha vez asinado, debe inscribirse no Rexistro de Convenios da Xunta de Galicia, previsto no artigo 15 da Lei 1/2016, de 18 de xaneiro, de transparencia e bo goberno.

Por outra parte CES e a Universidade deberán dar axeitada publicidade a su mútua colaboración en todo o material que se utilice e se distribúa con motivo dos eventos e das actividades que se realicen ao amparo do convenio.

#### **Setima.- Titularidade dos traballos**



A titularidade dos dereitos do traballo obxecto da investigación e consecuente explotación, será compartida ao cincuenta por cento polo Consello Económico e Social e pola Universidade da Coruña.

#### **Oitava.- Vixencia e prórroga**

Este convenio terá unha vixencia ata o 31 de decembro de 2020, contados a partir do día seguinte ao da súa sinatura, agás que sexa resolto con anterioridade por algunha das causas sinaladas na cláusula novena.

O convenio poderá prorrogarse, chegado o caso, polo tempo estritamente necesario para rematar os traballos e actividades obxecto do convenio, logo do acordo entre ambas as dúas partes e antes da finalización do seu período de vixencia.

#### **Novena. Extinción do convenio**

Serán causas de resolución do convenio as previstas no artigo 51 da Lei 40/2015, de 1 de outubro, do Réxime Xurídico do Sector Público.

#### **Décima.- Comisión de seguimiento**

Para facer efectiva a colaboración regulada neste convenio e para realizar o seguimento da súa execución, constituirase unha comisión de seguimento integrada por un equipo técnico composto por dous membros de cada unha das partes asinantes. Dita comisión terá por función a de interpretar as cláusulas do convenio e de resolver as posibles controversias que podan xurdir durante a vixencia do convenio.

#### **Décimo primeira.- Réxime xurídico**

O presente convenio de colaboración ten natureza administrativa e os seus efectos rexeranse polas súas propias cláusulas e, no seu defecto, polos artigos 47 a 53 da Lei 40/2015, de 1 de outubro, de Réxime Xurídico do Sector Público.

O presente convenio atópase suxeito tamén ao disposto no Acordo da Xunta de Galicia, do 27 de marzo de 1991, sobre convenios de



cooperación con outros entes públicos e de colaboración con particulares. Así mesmo, está excluído do ámbito de aplicación do Real decreto lexislativo 3/2011, do 14 de novembro, polo que se aproba o texto refundido da Lei de contratos do sector público, en virtude do establecido no seu artigo 4.1.c). Iso sen prexuízo da aplicación dos principios e criterios da Lei para resolver as dúbidas ou lagoas que puideran presentarse.

#### Décimo segunda.- Interpretación e resolución de controversias

As controversias sobre a interpretación e execución deste convenio de colaboración serán resoltas de mutuo acordo entre as partes, na comisión de seguimento prevista neste convenio. Se non se acadara o acordo, as posibles controversias deberán ser resoltas na vía administrativa segundo o disposto na Lei 39/2015, de 1 de outubro, do Procedemento Administrativo Común das Administracións Públicas e, de continuar o desacordo, na forma prevista na Lei 29/1998, do 13 de xullo, reguladora da Xurisdición Contencioso-Administrativa.

Tendo lido o presente documento, e en proba de conformidade, asínase polas partes, en cuadriplicado exemplar, en Santiago de Compostela, a 1 de setembro de 2020.

Agustín Hernández Fernández de Rojas

Julio Ernesto Abalde Alonso



Presidente do CES-Galicia



Reitor da UDC